




ՊԱՇՏՈՆԱԿԱՆՔ



ՔԱՂՈՒԱԾՔ ԲՕՐԱԳՐՈՒԹԵԱՆՑ ՍԻՆՕԴԻ



— Ի 1-ն օգոստոսի Սինօդն հրամայեաց՝ համեմատ
եզրակացութեան կոնսիստորիային Երևանայ գգործս, որ
զգեղծմանց գործակալին Ապարանայ Խորէն քահանայի
Մկրտչեան, կարճել ի պատճառս ոչ ապացուցեալ գոլոյ
այնոցունց, իսկ որ ինչ հայի ի խնդիր եղծմանց տարե-
թուոյ Գարեգնի Յարութիւնեան՝ առնել զառանձինն զե-
կուցումն զինի ընկալնլոյ գործոյն ի կոնսիստորիայէն:
Հ. 601.

— Ի նմին թուի Սինօդն հրամայեաց՝ քանզի ոչ
հաստատի ամբաստանութիւն զնիկողայոսէ քահանայէ
Տէր Յարութիւնեան Բիւրական գեղջ, սւստի զգգործս զայս
կարճել: Հ. 602.

— Ի 4-ն օգոստոսի Սինօդն հրամայեաց՝ քանզի ոչ

հաստատին մեղադրանք Մկրտիչ քահանայի Մկրտչեան և բողոքարկուք գիւղօրէից դորձակալութեանն Զօրլուայ, գաւառին Աղէքսանդրապօլու, յետս կասեալ են ի բողոքոյ իւրեանց, ուստի և կարճել զգործս։ Հ. 607.

— Ի նմին թուի Սինօզն հրամայեաց՝ յետս դարձուցանել զգործ մեղադրանաց Տ. Ստեփանոս Մհերեան և Տ. Աղէքսանդր Վարդանեան ծխատէր քահանայից Հայթաղ գեղջ, գաւառին Էջմիածնի, ի կոնսիստորիայն Երևանայ՝ պատուիրելով սահմանել զվճիռ վասն քահանայիցն ըստ ճիշտ մտաց 4 կ. 1142 յօդ. 1 մ. XI հատ. օրին., և կարճելով զայն ի Սինօգիս։ Հ. 608.

— Ի 6-ն օգոստոսի Սինօզն հրամայեաց՝ քանզի վանքն Հառիճոյ զարդիս չունի վանահայր, ուստի զհրահրութիւն վանուցն յանձնել փոխանորդի վիճակին Աղէքսանդրապօլու Տ. Մատթէոս վարդապետի։ Հ. 609.

— Ի նմին թուի Սինօզն հրամայեաց՝ պատուիրել կոնսիստորիային Երևանայ տնօրինել ընդունել զՍառա Խայկինան ի ծոց Հայաստանեայց եկեղեցւոյ, մկրտելով զնա ըստ սահմանեալ կարգի։ Հ. 611.

— Ի նմին թուի Սինօզն հրամայեաց՝ ըստ միջնորդութեան կոնսիստորիային Վրաստանի ընդունել զԲարդուղիմէոսն Տըտըղեանց ի հոգեւոր կոչումն, վասն ձեռնադրելոյ ի քահանայ ի հովուութիւն Ժողովրդեան Թախչա և Ապուլ գիւղից։ Հ. 613.

— Ի նմին թուի Սինօզն հրամայեաց՝ հաստատել զեզրակացութիւն կոնսիստորիային Ղարաբաղի, որ վասն դադարեցուցանելոյ զՎրթանէս քահանայն Տէր Ղուկասեան Ղայբալի գեղջ, գաւառին Շուշուոյ ի քահանայադորձութենէ և արկանելոյ ընդ եռամսեայ ապաշխարութեամբ ի վանս Ամարասայ։ Հ. 615.

— Յ 8-ն օգոստոսի Սինօզն հրամայեաց՝ ի նկատ առեալ զանտեսական անձուկ վիճակ ծխական դպրոցին Բաղանա գեղջ, ըստ խնդրոյ հոգաբարձութեանն դպրո-

ցին, յատկացուցանել զարդիւնս ուխտատեղւոյն Ս. Սարգսի (մատուռ), որ մերձ ի գիւղն Բաղանա, այնմ դպրոցիւ չ. 623.

— Ի նմին թուի Սինօզն հրամայեաց՝ առաքել զԼեոն վարդապետն Փսերեան ի Քիչնե ի տրամադրութիւն թեմական առաջնորդի տեղւոյն, վասն որոյ նախ՝ պատուիրել նմին զգոյս Վեհարանի յանձնել ցուցակաւ անդամոյ Սինօզիս Տ. Բաբգէնի վարդապետի. երկրորդ՝ պատուիրել նախագահի Տպարանական ժողովոյ ընդունել ի նմանէ զամենայն հաշիւս Տպարանի որ առ նա. երրորդ՝ ազատ կացուցանել զԼեոն վ. ի պաշտամանէ պատասխանատու անձին վասն Տպարանին, զոր պաշտօն յանձնել Տ. Երուանդայ վարդապետի, ծանուցանելով զայդմանէ նահանգապետին Երևանայ. չ. 624.

— Ի նմին թուի Սինօզն հրամայեաց՝ ըստ խնդրոյ հոգաբարձութեան ծխական դպրոցին Ուզունթալայ գեղջ յատկացուցանել զարդիւնս ուխտատեղւոյն Սրուեղայ դպրոցի գեղջն, չ. 625.

— Ի նմին թուի Սինօզն հրամայեաց՝ քանզի որպէս հաւաստի եղև Սինօզն, Բառնաբաս վարդապետն ոչ կարէ արդարեւ երիվարաւ շրջագայել ի հսկողութիւն և ի պաշտպանութիւն անտառին Հաղարծնի, կարգել զնա ի միաբան վանուցն Երնջակայ. չ. 626.

— Ի 11-ն օգոստոսի Սինօզն հրամայեաց՝ պատուիրել կոնսիստորիային Երևանայ պահանջել ի նախկին վանահօրէ Գեղարդայ վանուց ի Վահրամայ վարդապետէ զամենայն դոյս, որք մուծեալք գումով ի մատեան գոյից վանուցն՝ տարեալ են ի ձեռն Վահրամայ վարդապետի, և յանձնել զայնս ներկայ վանահօրս Երկրորդ՝ զպարտս զորս ցուցանէ Վահրամ վարդապետն ի վերայ արդիւնաշատ վանուցն Գեղարդայ ոչ ընդունել, այլ թողուլ զայնս ի հաշիւ Վահրամայ վարդապետի. չ. 631.

— Ի նմին թուի Սինօզն հրամայեաց՝ առաքմամբ

խնդրագրի Մարիայի Յինիցկայա պատուիրել կոնսիստորիային Հայոց Վրաստանի տնօրինել ընդունել զինդրատուն ի ծոց Հայաստանեայց եկեղեցւոյ, ծանուցանելով զոր ընդունելոյն նահանգապետին Գանձակայ ի գիտութիւնս. Հ. 635.

— Ի 13-ն օգոստոսի Սինօդն հրամայեաց՝ զվախճանական լուծումն խնդրոյ վաճառելոյ զշինութիւն Խալիպեան դպրանոցի բարւոք համարելով թողուլ մինչ ցընտրութիւն և ցհաստատութիւն նորոգ Հայրապետի ազգիս՝ կարճել զայս գործ, զոր և ծանուցանել հոգաբարձութեան թեմական դպրանոցի ն. Նախիջևանի և Բեսարաբիոյ ի ձեռն վիճակային կոնսիստորիային. Հ. 643.

— Ի 15-ն օգոստ. Սինօդն հրամայեաց՝ ի քնննաւ առեալ զգործն, զառաքեալն յեզրակացութիւն Սինօդիս ընդ գրութեան պ. Պրօկուրօրի շրջանական Դատարանին Տփլսեաց ի 19-ն յուլիսի անցելոյ, թ. 10535, և ի նկատ առեալ զբացատրութիւն ողջոյն կազմի Ատենի կոնսիստորիայի Հայոց Վրաստանի ի 4-ն ապրիլի 1907 ամի, թ. 1054, Սինօդս համարի օրինաւոր զծախս զայնոսիկ միայն, որք արարեալ են՝ հիմնեալ ի վերայ փաստաթղթոց, տուելոց ի Կաթօղիկոսէ ամենայն Հայոց, որք յիշատակին ի յայտարարութեան անդ, ուրեմն և զկազմատենին ճանաչել ըստ այսմ՝ մասին արդար և ոչ պատասխանատու առաջի օրինաց. իսկ զմնացեալ հաշուական գործողութիւն և զծախս համարել անկանոն և ապօրինի, հետեապէս և ճանաչել զնոյն կազմն ըստ մասինս ըստ այսմիկ յանցաւոր և դատելի ըստ 351, 356, 407, 411, 481, 474 և 484 յօդ. պատժոյ օրինաց, զբացատրութիւն գանձապահի նոյն կոնսիստորիայի Սարգսի քահանայի Շխոյեան համարելով ըստ ամենայնի արդար՝ ճանաչել զնա անպարտ, նա զի ոչ մտանէ ի կազմ Ատենին, այլ սոսկ հրամանատար Նորին. Զայս ամենայն ծանուցանել պ. Պրօկուրօրի շրջանական Դատարանին Տփլսեաց, դարձուցանելով զքննական գործն. Հ. 646.

— Ի 25-ն օգոստոսի Սինօզն հրամայեաց՝ կարգել զմիաբան Մ. Աթոռոյս զՏ. Բենիկ վարդապետն վերաքննիչ տուժարաց և հաշւոց թեմին Երևանայ, նաև ժողովող ամենայն ապառկաց և հասանելի Մ. Աթոռոյս դրամոց: Տալ Բենիկ վարդապետի ռոճիկ առ ամիսն մի հարիւր թուրքի ի մէկէն սեպտեմբերի տարւոյս և ճանապարհածախս ըստ չափու վերստին և պատուիրել կոնսիստորիային Երևանայ կարգադրել զի ամենայն տեղիս տուեալ լիցի յիշեալ վարդապետի օթեան: Հ. 664.

— Ի 27-ն օգոստոսի Սինօզն հրամայեաց՝ կարգել զՏ. Բենիկ վարդապետն վերաքննիչ տուժարաց և հաշւոց թեմից Տփլսեաց, Ղարաբաղի, Շամախւոյ, Աստրախանի և Բեսարաբիոյ սկսեալ ի 1908 ամէ, նաև ժողովող ապառկաց և հասանելի Մայր Աթոռոյս դրամոց անցեալ ումաց: Տալ Բենիկ վարդապետի ի 1-էն սեպտ. տարւոյս ռոճիկ ըստ օրագր վճռոյ որ ի 25-ն օգոստոսի տարւոյս. թ. 664. Հ. 655.

— Ի 27-ն օգոստ. Սինօզն հրամայեաց՝ թոյլ տալ կոնսիստորիային Ղարաբաղի ընդունել ի հոգևոր կոչումն զՄարտիրոսն Վարդապետեանց և առաջադրել Առաջնորդի թեմին Ղարաբաղի ձեռնադրել զնա ի քահանայ Գաշուշէն գեղջ, գաւառին Շուշուոյ: Հ. 659.

— Ի նմին թուի Սինօզն հրամայեաց՝ վերաքննելով զգործն, լրացուցեալն երկրորդ քննութեամբ և ունելով առաջի աչաց զեզրակացութիւն Փօխ-թեմակալին Երևանայ ըստ գործոյս՝ զՎահան քահ. Մամիկոնեան ճանաչել արդար և անպարտ ըստ ամենայն մեղադրական կէտից, յորս նա ծանուցեալ էր յանցաւոր ըստ նախկին օրագրի Սինօգիս ի 23-ն յունուարի տարւոյս: Հ. 673.

— Ի 29-ն օգոստոսի Սինօզն հրամայեաց՝ թոյլ տալ կոնսիստորիային Ղարաբաղի ընդունել զԵրեմիայն Տէր Գրիգորեանց ի հոգևոր կոչումն և առաջադրել առաջնորդի թեմին ձեռնադրել զնա յերկրորդ քահանայ Շուշի-քենդ գեղջ, գաւառին Շուշուոյ: Հ. 676.